



## Эрдэнэ Ресурс нь хаалттай хүрээнд санхүүжилт хийхээр төлөвлөж байна

**Канад улс, Нова Скошиа муж, Халифакс хот – 2019 оны 2 сарын 12**

Эрдэнэ Ресурс Девелопмент Корпораци (TSX: ERD | MSE: ERDN) (Цаашид “Эрдэнэ Ресурс” эсвэл “Компани” гэх) нь хаалттай санхүүжилт (“Private Placement”)-ийн хүрээнд 7,608,696 ширхэг үнэт цаасны нэгж бүрийг \$0.23 кан.доллараар үнэлэн, нийт \$1,750,000 кан.долларын хөрөнгө оруулалт татахаар төлөвлөж байна. Үнэт цаасны нэгж бүр нь Компанийн нэг Энгийн хувьцаа болон түүнд дагалдах нэг Варрант (“Варрант”)-аас бүрдэнэ. Энэхүү Варрантыг санхүүжилт хаагдсанаас 2 жилийн хугацаанд хэрэгжүүлэх боломжтой. Варрант нь санхүүжилт хаагдсанаас хойш 12 сарын хугацаанд хөрөнгө оруулагч Компанийн Энгийн хувьцааг \$0.40 кан.доллараар, дараагийн 12 сарын хугацаанд Компанийн Энгийн хувьцааг \$0.50 кан.доллараар худалдан авах эрхийг олгоно.

Энэхүү санхүүжилтийг Компанийн Хөндий Алтны Төслийн (“Төсөл”) Урьдчилсан Техник Эдийн Засгийн Үндэслэлийг (“Урьдчилсан ТЭЗҮ”) боловсруулах, ашиглалтын тусгай зөвшөөрлийн өргөдөл, Монгол улсын Уул Уурхай, Хүнд Үйлдвэрийн Яамнаас олгож эхэлсэн тусгай зөвшөөрлийн сонгон шалгаруулалтад оролцох болон бусад ажлын капиталд зарцуулахаар төлөвлөж байна.

RPMGlobal Asia нь Төслийн Анхан Шатны Эдийн Засгийн Тооцоолол (“АШЭЗТ”)-ыг NI 43-101 стандартын дагуу боловсруулсан бөгөөд Урьдчилсан ТЭЗҮ-г боловсруулахыг зөвлөсөн. Бид энэхүү ТЭЗҮ-г боловсруулах инженерийн байгууллагын сонгон шалгаруулалтыг дээр дурдсан санхүүжилттэй залгуулан гүйцэтгэнэ. Үүнтэй зэрэгцэн, төслийн ашиглалтын тусгай зөвшөөрлийг авах, нөөцийг нэмэгдүүлэх 2019 оны хайгуулын хөтөлбөрийг эцэслэнэ.

Монгол улсын Уул Уурхай, Хүнд Үйлдвэрийн Яам нь хайгуулын тусгай зөвшөөрлийг сонгон шалгаруулалтаар олгож эхэлсэн бөгөөд 2019 онд тодорхой тусгай зөвшөөрлийн сонгон шалгаруулалтад оролцох боломжтой. Компани нь хэд хэдэн хэтийн төлөв бүхий талбайг тодорхойлсон бөгөөд энэ судалгаанд тулгуурлан сонгон шалгаруулалтад оролцохоор төлөвлөсөн.

Энэхүү хаалттай санхүүжилт нь Торонтогийн Хөрөнгийн Бирж болон бусад захиргааны байгууллагын зөвшөөрлийг авснаар 2019 оны 2 сарын 28-нд эцэслэгдэнэ. Мөн энэ санхүүжилтийн хүрээнд гаргасан үнэт цаасыг санхүүжилт хаагдсанаас 4 сар, 1 хоногийн хугацаанд царцах (“hold period”) үүрэг хүлээсэн.

## **Хөндий алтны төслийн тухай**

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн терреинд байрладаг. Энэхүү Төв Азийн Орогены бүс нь БНХАУ-ын нутагт хил дагуу болон бүсийн баруун чиглэлд эпиптермаль алт болон порфирийн зэс-алтны ордууд сайн судлагдсан байдаг боловч Монгол улсын хувьд 1990-ээд оны дунд үеэс ардчилсан нийгэмд шилжин, гадаадын хөрөнгө оруулалттай компаниудад хайгуул хийх боломжийг олгосноор судлагдаж эхэлсэн. Ийнхүү судлагдсанаар дэлхийн хэмжээний алт-зэсийн орд болох Оюу Толгойг нээн илрүүлсэн. Эрдэнэ Ресурс нь Монгол улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлээд байна. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн төлөвт талбайг хамардгаас хоорондоо 16 км зайд орших Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Компани нь Баян Хөндий болон Алтан Нар төслүүдийн хайгуул болон нөөцийн хөгжүүлэлтэд 17 сая ам.долларын хөрөнгө зарцуулаад байна.

## **Компанийн тухай**

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд хайгуул хийх эрх бүхий 4 хайгуулын, 1 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт [www.erdene.com](http://www.erdene.com)-оос авч танилцах боломжтой. Компанийн тухай тодорхой мэдээллүүд нь зөвхөн Компанийн вебсайтаар дамжин хүрэх магадлалтай тул хөрөнгө оруулагчид вебсайтаар дамжуулан дэлгэрэнгүй мэдээллийг авах боломжтой.

## **Урьдчилсан таамаглал**

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш болно. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

**ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА  
НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ  
ЗӨВШӨӨРСӨН МЭДЭГДЭЛ ХИЙГЭЭГҮЙ.**

**Холбоо барих:**

Петер К. Акерли, Ерөнхийлөгч болон Гүйцэтгэх захирал

Кэн В. МакДоналд, Дэд ерөнхийлөгч болон Санхүү хариуцсан захирал

Утас: (902) 423-6419

Емэйл: [info@erdene.com](mailto:info@erdene.com)

Вебсайт: [www.erdene.com](http://www.erdene.com)

Твиттер: <https://www.twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp/>

YouTube: <https://www.youtube.com/channel/UCILs5s9j3SLmya9vo2-KXoA>